

## REGIONAL NEWS

HEADLINES:-

1. Mizoram State Board for Wildlife chu an chairman Pu Lalduhoma, Chief Minister hovin vawiin khan an thukhawm .
2. Tuiriala Damdawiin bawlhhlawh sawngbawlina, Common Bio Medical Waste Treatment Plant enchhin tur chu vawiin khan UD&PA Minister Pu K Sapdanga'n a hawng.
3. Vawiin atangin Lok Sabha-ah Union Budget 2024-25 sawiho tan a ni.
4. Nepal-a thlawhna chesualah mi 18 an thi.

&lt;&gt;&lt;&gt;&lt;&gt;

CM

Mizoram State Board for Wildlife (SBWL) chu an chairman Pu Lalduhoma, Chief Minister hovin CM Conference Hall-ah an thukhawm a. Hei hi Mizoram State Board for Wildlife thutkhawm vawi 10-na a ni. Meeting chuan Standing Committee of State Board of Wildlife din chungchang te, Aizawl Zoological Park luh man tihsan ve tawh thu te, wildlife victims te ex-gratia tihsan chungchang te, kum 2021 a Saiin a tihlum Pi Hniahngniangi compensation dilna te, Zorinpui - Longmasu inkara kawngpui thar (NH 502A) laih tura ruahman leh Sairang - Tuipuibari inkar kawngpuia leihlawn dawhthat ngai pahnihte recommendation chungchang te, Phawngpui National Park leh Ngengpui Wildlife Sanctuary enkawl zel dan tur chungchang te an sawi a.

Hun pawimawh laia Wildlife Zero Tolerance Drive neih te, Air Gun leh a kaihnawih khuahkhirhna nasa zawk thu te, ramsa chhanchhuah te fel fai zawka enkawl dan tur te, Mizorama nungchate hming mumal leh felfai taka thliartu tur Nomenclature Committee lo din tawh, vawiin thleng hma la la lo tuai tharleh thute bakah, hmun pawimawh bika ramsaten kawngpui an kanna tur siam thute an sawi baw.

He hunah hian Chief Minister Pu Lalduhoma chuan, Mizoram CAMPA Chairman a nih thu hrilhriat a ni lo tih sawiin, tun hnaia Delhi a zinnaah Union Minister of Environment & Forest in a lo hrilh a, Mizorama a buaipuitu official ten kha leh chen Chairman a nih thu a hrilh hre miah lo kha a mak a ti hle tih a sawi a ni.

Chief Minister chuan Union Minister hian Mizorama Forest Clearance fel lo vanga hmasawna hnathawh chawlh lailawk te tarlanna list a lo pe ni a sawiin, anni chuan Political level-ah tanpuia, heng harsatna te chinfel sak hi an duh a ni a ti a, heng hi Mizoram tana hmasawna tur, ram mipuiten tangkai taka kan hman tur hmalakna vek an ni a, a hlawhtlin theih nan tanrual tur a ni a ti a,. Dan hi mipuite hmasawna leh hamthatna atana siam a ni a, an harsatna leh an hmasawna tur daltuah hman tur a ni lo a ti baw. Meeting ah hian Vice Chairman Pu Lalthansanga, Minister, EF&CC, Pu Vanlalhlana, Minister, PWD, Pu TBC Lalvenchunga, Adviser to CM, Lt. Col. Pu Clement Lalhmingthanga, MLA bakah Board members te an kal a ni. (DIPR)

&lt;&gt;&lt;&gt;&lt;&gt;

#### DM&R STATS

Disaster Management & Rehabilitation Department ( DM&R) in a chhinchhiah danin, Kumin a khuarel chhياتna hrang hrang thleng vangin Aizawl khawpui ah Chenna in chhia 1087 a awm.

Kumin Chhunga In chhia chhinchhiah te hi Aizawlkhawpui chhunga Khuarel chhياتna hrang hrang Leimin, Thlipui, Ruahsur leh kangmei vanga inchhia te a ni a. Khuarel chhياتna avanga Inchhia bakah Nunna chan 39 awm tawh bawk. DM &R department in a Chhinchhiah theih chinah khuarel chhياتna avanga nunna chan te hi Mizo 39 leh hnamdang 8 te an ni a. Chhياتna hi Aizawl khawpui veng hrang hrang a thleng niin khuarel chhياتna tuar nasa zual veng te chu Melthum ,Hlimen ,Falkawn leh Salem veng te anni.

Kum hmasa 2022-23 chhung khan khuarel chhياتna hrang hrang thleng zingah leimin vanga nunna chan mi 15 an awm a, kangmei vanga nunna chan mi 3 awmin, thlipui tleh vanga nunna chan mi 2, an valin mi 20 an awm a ni.

<><><>

#### RELIEF

Mizorama khuarel chhياتna tawh te leh samhigna zawnga rawn bel mi sing 4 sang 5 vel ei tur buhfai leina sum cheng vbc 5 sorkar laipui chuan pek a remti a,

Sorkar laipui Ministry of Home Affairs NE Division chuan hemi chungchangah hian thuchhuah siamin Mizoram sorkar in a dil angin, tanpuina hi pek remtih a ni.

<><><>

#### BIO MEDICAL WASTE TREATMENT PLANT

Aizawl Smart City Ltd hmalakna zinga project pakhat Common Bio Medical Waste Treatment Plant,Turial ami chu UD&PA Minister Pu K. Sapdanga'n a hawng a, khawl hmanga damdawiin bawlhhlawh sawngbawl a nih dan tur enchhin nghal a ni. He project hi Aizawl Municipal Corporation Solid Waste Management Centre, Turial area chhunga sak niin Mizoram Pollution Control Board te nena hmalakna a ni.

Common Bio Medical Waste Treatment Plant hi damdawiin mai bakah clinic leh healthcare facility zawng zawngte bawlhhlawh sawngbawl na hmun a ni a, Bio Medical Waste Management Rules 2016-in a phut anga din a ni. Mizoramah hetiang Treatment Plant neih hmasak ber tur a ni a, mipui vantlang hriselna lamah he project hi ram hmasawna rahbi pawimawh tak a ni.

He Treatment Plant hian district panga - Aizawl, Kolasib, Mamit, Serchhip leh Saitual district-te a huam a, heng district-a damdawiin, clinic leh healthcare facility awm zawng zawng medical waste hi a khawn khawmtu bawlhhlawh motor bik awmin Turial-a Treatment Plant-ah hian paihin khawl hian bawlhhlawh chu a lo sawngbawl dawn a ni. Health & Family Welfare Dept ruahman angin 'trial run' AMC area bikah thla hnih chung atan ASCL-in a kalpui dawn a, hemi rual hian Saitual district bikah H&FW Department-in enchhinna thla hnih chung a kalpui dawn bawk a ni.

Common Bio Medical Waste Treatment Plant project hi cheng vbc 9 leh nuai 71 senga sin tur niin he project atan hian 2 Crore hi sorkar laipui Ministry of Environment, Forest and Climate Change in a tum bawk a ni.

<><><>

#### MADC

Ni 2 awh Mara Autonomous District Council Fur thutkhawm chu MADC session hall ah vawiin khan tan a ni.

Session hi Chairman Pu N.Viakhu chuan a kaihruai a, hun hmasa lamah tunhnai lawka thi Pi N.Gracy Nominated MDC leh Pu HC. Chhiesa Ex.MDC te sunna hun hmangin MNF leh INC aiawh pakhat ve ve bakah Ruling lam BJP atangin member pahnih in uina thu an sawi hnuin minute khat chhung rilrua tawngtaina nei chungin dingin sunna hun hman a nih hnu ah zawhna leh chhanna hun hman zui a ni.

Chawhma lamah ziaka zawhna chhan chi Unstarred question pakhat dawhkan ah chhanna dah a ni a, kaa chhan chi zawhna 6 chhan a ni a, chung zingah chuan MADC project an siam beiseiawm tak tak an neih thute, Environment & Forest Dept. a ah Nagarvan scheme hnuai cheng nuai 137 thawh mek a nih thu te, Cyclone Remal chhawm dawl nan cheng nuai 11 sing 9 & 350 hman a nih thu house ah chhan a ni. Chawhnu lamah Official Bill pahnih leh Official Rules pahnih bahah official resolution pakhat leh private resolution pakhat putluh a ni bawk.

Tuntum session ah hian CEM Pu M.Laikaw leh eptu lam Pu Hc.Lalmalsawma Zasai MDC te an awm lova, zawhna leh chhanna pawh midangin an tih sak a ni.

<><><>

#### LAWNGTLAI CRIMINAL LAW

Lawngtlai District Legal Service Authority leh District Administration Office bultumin tunhnai maia hman tan dan thar pathum- The Bharatiya Nyaya Sanhita, 2023 (BNS), The Bharatiya Nagarik Suraksha Sanhita, 2023 (BNSS) leh The Bharatiya Sakshya Adhinyam, 2023 (BSA) chungchang zirhona Lawngtlaiah neih a ni a. Pu Cheemala Siva Gopal Reddy, DC Lawngtlai District Bawrhshap chuan hun a hmanpui.

Pu Cheemala Siva Gopal Reddy chuan Indian Penal Code (IPC), Criminal Procedure Code (CrPC) leh Indian Evidence Act - te chu British hun laia siam a nih angin duhthu a sam lo hle a Sawrkar laipuiin dan thar pathum hman tura a chhawpchuak hi thil lawmawm tak a ni, a ti. Heng dan tharte hi India ziarang mil leh huapzau zawk a siam a ni a, dan tha tak a nih angin India khua leh tui ten an chhawr tangkai dawn hle a ti. Dan thar a nih angin zirchian ngai tak a ni a, Dan kengkawhtu -Police leh Judiary te chauh ni lo in sawrkawr hnathawk zawng zawng bakah mipuite pawhin kan hriat chian a tul hle tiin; a bik takin Head of Department- te chu an department hnuai thawkte hnena he dan thar

Pu Cheemala Siva Gopal Reddy chuan heng dang thar te hi tun hnai maia hman tan a ni a, section tam tak belh leh pah te a awm avangin, he dan thar hrechiang lo tam tak an awm a rin thu a tarlang a. Dan hriat loh chu himna a ni lo a, dan hriatna chuan huaisenna bakah dikna chanvo kengkawh kawngah nasa takin mi a puih zawk thin a ti a, he dan thar Chiang zawka zir turin sawrkar hnathawk zawng zawng leh Lawngtlai mipuite a sawm nghal a ni.

Lawngtlai Addl SP Pu Tlualaisa Hlychho chuan he dan thar pathum hman anih hnuin, Lawngtlai district ah 'Zero FIR' case pakhat a awm tawh thu a tarlang a. The Bharatiya Nagarik Suraksha Sanhita,2023 (BNSS) hnuiaia in hremna pakhat 'Social Community Service' chu khawtlang tana tangkai tak a nih a beisei thu a sawi bawk.

<><><>

#### KOLASIB

Mizoram sorkar in Minister, MLA leh Group 'A' officer chin te Ration Buhfai dawng theilo tura hmalakna 'Not Entitled for Ration (NER) Card' hmalakna kal mekah vawiin thleng khan Kolasib DCSO office ah Group 'A' officer pahnih in an family Ration Card an thehltut tawh. Ration Card thehltut hun hi tun thla tawp thleng hawn ani.

Kolasib DVO Dr. Lalsanglien Ralsun chuan nimin khan Ration Card hi DCSO office ah thehltut in, Dr. K. Vanlalpeka, Vety Officer, Vairengte chuan vawiin khan DCSO office ah hian a thehltut bawk.

Minister, MLA leh Group 'A' officer te hian an Ration Card hi Supply office ah thehltut mahse, pek chhuah leh anni anga, Document pawimawh atan kawl in, a tul ah an hmang leh thei ang. Ration Card ah chuan Buhfai etc la ve theilo tur in chhinchhiaha siam sak anni ang.

<><><>

#### SAITUAL

Nimin chhuna kawngko Lung chimin a hnawhpin, Keifang leh Tuivawl inkar a National Highway no.6 chu NHIDCL hnuiaia BRN company te khawl 2 hmangin thenfai hna ngawrh takin an thawk mek a.

Tun dinhmunah lung lian zual, khawla then harsa zualte chu hal darh a ni a . Hna hi thawh tluan chuan zanin tlai 7-8Pm velah a tlang hman beisei a ni.

He kawnga tlan khualzin engemawzat leh lirthei thahnem tak te chu tun ah hian an tangkhang mek a ni.

<><><>

#### BUDGET DICUSSION

Vawiin atangin Lok Sabha-ah Union Budget 2024-25 sawiho tan a ni a. Sawihona bultantu Congress MP Kumari Selja chuan hna vang lutuk avanga buaina chu nitin a pung zel a ti a. Sawrkarin Central Government hnaruakte hnawhkhat tur hma a la lo chu zawhna a zawt a. Agniveer kalpui mek chu tha lo atih thu a sawi bawk a ni.

<><><>

#### UNION I&B MINISTER

Union I&B Minister Ashwini Vaishnaw chuan thudik lo leh belhchian dawlo thehdarh do turin theihtawp a chhuah a ti. Lok Sabha-a ziaka zawhna chhangin Pu Vaishnaw chuan ramchhunga mipui rorelna democracy ti derthawng thei leh mipui thinlung buaina thlen thei heng thudik lo te hi nasa takin sawrkarin a do a ti a. Media hrang hrangah thudik lo manchhuak tur hian hmanraw hrang hrang hman a ni a ti a. Press Information Bureau ah Fact Check Unit (FCI) din anih thu sawiin November 2019 atangin ngawrh takin an thawk a ni a ti.

<><><>

#### MILK PRODUCTION

India chu khawvela bawngnhute siam chhuak tam ber a ni. Rajya Sabha-a ziaka zawhna chhangin Union Minister of Fisheries, Animal Husbandry and Dairying Rajiv Ranjan Singh chuan khawvel pum bawngnhute siamchhuah zawng zawng zaa 25 chu India atanga chhuak

a ni a ti a. Kum kaw kalta chungin rampuma bawnghnute siamchhuah hi zaa 6 in a pung a ni a ti bawk.

<><><>

#### NEPAL PLANE CRASH

Nepal-a thlawhna chesualah mi 18 an thi.

Thudawn danin Kathmandu-a Thribhuvan International Airport atanga Saurya Airlines thlawhna chu a thlawh chhuah hnu lawkah a chesual a. Thlawhnaah hian mi 19 an chuang a. Pokhara pana thlawk a ni a. Senior Superintendent of Police (SSP) Dambar Bahadur KK sawidanin thlawhnaa chuang pakhat hi dama chhanchhuah a ni a, a bulhnai damdawiinah dahluh nghal a ni a. Thlawhna chetsual hnu lawk hian Nepal Home Minister Ramesh Lekhak chuan Airport hi a thleng nghal a ni.

<><><>